

太上靈寶玉晨至尊報德酬恩法懺

玉府闡教妙達真人孟珙敬撰

起讚

三仰啟俱稽首
投地然後跪唱

仰啓彌羅梵寶尊 瑶階俯伏盡皈身 仰啓香林梵寶尊
洗心淨口更皈神 仰啓瓊霄梵寶尊 輸忱竭悃共投誠
情緣溯本還報本 心切求真益奉真 邇稽草昧資開闢
混沌剖後樹經綸 無聲臭 絶等倫 渺渺巍巍位玉京
後天賢聖知多少 總在先天一炁存 開道統 亘古今
昭垂經法度天人 無量功德難殫述 惟矢齋明禮玉宸
今朝虔設朝天醮 道眾同賡步虛聲

道藏輯要

上清懺

三毛

柳集一

大聖無上梵寶大天尊

三稱

淨心神咒

太上台星 應變無停 驅邪縛魅 保命護身 智慧明淨
心神安甯 三魂永久 魂無喪傾

淨口神咒

丹朱口神 吐穢除氛 舌神正倫 通命養神 羅干齒神
却邪衛真 喉神虎貳 氣神引津 心神丹元 令我通真
思神鍊液 道炁常存

淨身神咒

靈寶天尊 安慰身形 法子魂魄 五臟玄冥 青龍白虎

隊仗紛紜 朱雀立武 侍衛我真

安土地神咒

元始安鎮 普告萬神 獄瀆真官 土地祇靈 左社右稷
不得妄驚 回向正道 內外澄清 各安方位 備守壇庭
太上有命 搜捕邪精 護法神王 保衛誦經 皈依大道
元亨利貞

淨天地神咒

天地自然 穢氣分散 洞中玄虛 晃朗太元 八方威神
使我自然 靈寶符命 普告九天 乾羅怛那 洞罡太玄
斬妖縛邪 度人萬千 中山神咒 元始玉文 持誦一遍

道藏輯要

上清懺

元

柳集一

却病延年 按行五嶽 八海知聞 魔王束首 真聖衛軒
兜穢消散 道德成全

金光神咒

天地玄宗 萬炁本根 廣修億劫 證吾神通 三界內外
惟道獨尊 體有金光 覆映吾身 視之不見 聽之不聞
包羅天地 養育羣生 誦持萬遍 身有光明 三界侍衛
五帝司迎 萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五炁騰騰 金光速現
覆護真人

祝香神咒

道由心治 心假香傳 香爇玉爐 心存帝前 真靈下盼

仙旆臨軒 令臣闕告 徑達九天

伏以

本厚根蟠千古不改柯易葉源深流遠萬禩識派別支分此所以川流原於敦化報禮必自先天端肇於虛事從其溯繩維南宮化梵炁結成大羅天於是

元始天尊出祖劫居清微宮號曰天寶君厥境曰聖聖境者謂成聖之祖諸聖之所造端也嗣是

玉宸天尊出祖劫居禹餘宮號曰靈寶君厥境曰真真境者謂登真之祖諸真之所造就也再傳

道藏輯要

上清懺

堯

柳集一

降生天尊出祖劫居大赤宮號曰神寶君厥境曰仙仙境者謂金仙之祖諸仙之所造謁也尋之虛無而不克測究之微實而有可憑倘無實範曷以開玄非麗虛空焉能肇始人能覺悟玄微卽此慧參妙諦臣等忝列道門追原道祖惟是報本之中更推報本投誠之下益切投誠謹炷真香虔誠上啓

南宮紫府至尊

中啓

四御五老至尊

九宸十華至尊

日月兩曜慈尊

南辰北斗慈尊

三十六天天尊

周天河漢星真

下啓

值年太歲至德星君

佐玄護法諸大靈君

郡縣城隍顯佑尊神

鄉坊里域社令尊神

雲空過往游奕尊神

同注齋壇鑒茲誠悃許容瞻禮願竭稱揚稽首皈依昌勝懼

道藏輯要

上清懺

手

柳集一

忭懇禱之至

至心朝禮

太上無極至尊妙道

太上無極至尊寶經

太上無極至尊宗師

讚

瓊臺百寶 座滿香風 爲天立帝佈神功

事業頌恢宏

道極穹隆 萬古仰玄宗

大聖靈寶玉宸大天尊

三稱

至心皈命禮

居上清界號靈寶君祖劫化生九萬九千餘梵炁赤書煥發六百六十八真文因混沌赤文而開九霄紀元洞玉厯而分五劫天經地緯巍乎造化之宗樞陰機陽卓爾雷霆之祖大悲大願大聖大慈玉宸道君靈寶天尊

臣等伏聞

無量宏功端在爲天立主有緣勝會惟是輔聖鍾生固西國之發祥正三天之有慶請言梗概備述因由繙維

靈寶至尊繼元始而登命大神化以開玄既虛寂以無爲復彌綸而布濩爰紀

上帝首出開天生浩劫前爲混元祖梵炁結成聖質駕輿抱送道藏輯要

上清儀

三

柳集一
川上二

光嚴用慰夫祈禱之殷遂兆夫玉皇之瑞由是

帝誕生而修證位金仙而如來更悟大乘正宗以入虛無妙道歷劫累累功德超超黃金闕內因是道冠諸天白玉京中咸奉至尊無上等倫俱絕思議奚從是皆深荷褓抱扶持之力乃爾克成統天御極之尊

臣等

叨生兩大羣沐鈞陶累劫蒙恩敢忘伊始稽首皈依五體投地

至心朝禮

上清真境玉晨道祖靈寶無上大天尊九拜

上清真境梵輔天靈寶分化天尊

上清真境禪善天靈寶輔化天尊

上清真境應聲天靈寶應化天尊

光嚴妙樂國王聖父天尊

寶月光皇后聖母元君

東華至極少陽太父天尊

西華至極瑤池金母皇君

寶花成益高虛清明大帝

經筵啓問闡教昊天大帝

經筵啓問贊化玉虛大帝

紫微碧玉保制劫運天尊

六波天主普施法潤天尊

道藏輯要

上清儀

卷三

標集二

六天洞淵伏魔上上天尊

協天靈佑神威遠鎮天尊

太醫神王金容慈救天尊

句曲上真三茅應化天尊

大羅班首三教總司天尊

泰玄都省開宗演法天尊

天機都省宏慈演教天尊

天樞都省好生保命天尊

天醫都省注生利物天尊

上玄都省龍門演派天尊

三天侍衛護法四部天王

侍宸奉御妙香玉女真仙

讚

清輕上位 雲路蕭寥 帝藩星野布天曹 經畫別宸霄

宮闕崇高 九聖著勲勞

大聖靈寶玉宸大天尊三稱

寶誥一遍

臣等伏聞

本道開天輕清莫知紀極維天有漢寥廓更仰蒼冥不有神聖之化裁安見天衢之靈境祥雲變色紫霧氤氳惟

道藏輯要

上清懺

卷一

柳集一

靈寶至尊緣赤書之煥發造玄妙之僊鄉結自浮空創所未有以炁化炁化成列天之都以神運神運就凌雲之府蕭臺瓊苑境判而三煥照妙嚴霄區爲九神霄首冠八極四分青碧丹紫之殊名景太玉琅之別殿各霄各位其尊惟九惟司其部日月遞遊其下星辰聯綴其中浩漠冲虛宰制無窮之化包涵覆育怙冒萬類之生貪絕而不可端倪仰瞻而疇堪比似是皆化神於空洞乃爾森布於穹窿臣等叨生兩大羣沐鉤陶累劫蒙恩敢忘伊始稽首皈依五體投地

至心朝禮

上清真境玉晨道祖靈寶無上大天尊九拜

上清眞境梵輔天靈寶分化天尊

上清眞境禪善天靈寶輔化天尊

上清眞境應聲天靈寶應化天尊

南極長生統天元聖天尊

貞明大聖雷聲普化天尊

尋聲赴感太乙救苦天尊

玉虛師相蕩魔濟苦天尊

九天可韓司朱陵度命天尊

九天採訪使保劫應運天尊

赤皇上品南丹紀壽天尊

文宣至聖興儒盛世天尊

九天文衡更生永命天尊

孚佑上帝興行妙道天尊

東方玉寶皇尚天尊

南方玄真萬福天尊

西方太妙至極天尊

東北方度仙上聖天尊

東南方好生度命天尊

西南方太靈虛皇天尊

上清懺

三

柳集一

西北方無量太華天尊

上方玉虛明皇天尊

下方真皇洞神天尊

讚

開明三景 肅訂時書 六十甲子任推除 五劫未分虛步算無餘 日月樂舒徐

大聖靈寶玉晨大天尊三稱

寶誥一遍

臣等伏聞

乾坤既奠穰穰未識推遷湧悶初開蚩蚩何知節候不釐訂夫道藏輯要

上清懺

靈

柳集一
以

木金水火安所別乎春夏秋冬仗大神通乃開運會繩惟

靈寶至尊發元洞之玉文肇星官之步算藉木以名龍漢藉金以號延康而赤明之名繫於火分開皇之號繫於水宮更取土運以定上皇在當時第謂之劫在後世則稱以歲大撓宗作甲子而軒轅於是有干支黃龍負呈圖書而河洛於是啓秘奧文傳漆簡篆紀雲龍嗣是蠶假愁中閱時者週終復始元會運世編年者自少加多皆由啟玉歷於九天乃爾昭歲時於萬穰臣等叨生兩大羣沐鈞陶累劫蒙恩敢忘伊始稽首皈依五體投地

至心朝禮

上清真境玉晨道祖靈寶無上大天尊九拜

上清真境梵輔天靈寶分化天尊

上清真境禪善天靈寶輔化天尊

上清真境應聲天靈寶應化天尊

上清道運天尊

上清太元天尊

紫清元老天尊

三天獨尊天尊

解脫立光天尊

紫霞浮蓋天尊

道藏輯要

上清儀

玄

柳集一

玉京垂惠天尊

逍遙十善天尊

雲華見相天尊

三界清通天尊

立隱無爲天尊

虛無越行天尊

真遊高上天尊

圓通自在天尊

赤帝清魂天尊

白帝侍魄天尊

黑帝生炁天尊

青帝養血天尊

黃帝中主天尊

五劫輪轉天尊

回向

伏念三皇沕穆原非荒遠難稽三境神通更自昭彰足據經天
緯地寂默以肇玄宗樞陰機陽化裁而開道範以今備考
至尊之妙德實推無上之宏功聖主立而有君天人得所依仗
元歷紀而有準歲月庶有統歸宜乎高出重霄俯臨九太神超
億劫化被萬天更稽所著洞元經有如元陽靈和無量內音洞
道藏輯要

上清賦

毛

柳集一

立大劫煉生元辰消魔按魔上開上通是爲十二尊經計文八十有萬四千卷後洞真而爲之闡先洞神而爲之傳發洩玄機
與赤書而並煥宣揚道寶佐

玉帝以敷功讚嘆靡窮据摭曷罄臣等無任踴躍懽忻再拜稽
首而獻頌曰

靈寶無極尊
黍米化天人
紫微瓊臺內
妙梵越等倫
無量大功德
何幸澤凡塵
羣情旣共喻
皈命益皈神
惟願相我后
嘉樂佑且申
山川永鎮奠
海宇樂陽春
茲當禮誦畢
頂禮竭微忱
萬古良因會
懇祝報君親
再申稱念切
天表靄卿雲

梵天靈寶大天尊三稱覃恩不可思議功德

太上靈寶玉晨至尊報德酬恩法懺全

廣化弟子惠覺校訂

道藏輯要

上清懺

卷一

集一
名十州

正一天師濟微弟子洪百堅 製作

